

華嚴 1942~1943 集講義

修華嚴奧旨妄盡還源觀

起六觀

- 一、攝境歸心真空觀。謂觀世間一切諸法性，唯一心造，心外更無一法可得，境本空寂，無有實體也。
- 二、從心現境妙有觀。謂依體起用，具修萬行，莊嚴佛土，成就報身也。
- 三、心境祕密圓融觀。所言心者，謂無礙心，諸佛證之，以成法身也。境者，謂無礙境。諸佛證之，以成淨土也。然如來報身，及所依淨土，圓融無礙。或身中現土，土中現身，心境雙融，了無迫隘也。
- 四、智身影現眾緣觀。謂智體唯一，能鑑眾緣，猶如日輪照現，迴處虛空，有目之流，無不親見也。
- 五、多身入一境像觀。謂以大止妙觀法力加持故，得一身作多身，多身入一身，如鏡現像，無有障礙也。
- 六、主伴互現帝網觀。謂毘盧遮那自身為主，十方諸佛菩薩為伴。或以一身為主，多身為伴。主伴互現，重重無盡，如帝網珠，光光交映，無有窮盡也。